

BERRESKURAPEN BERDEARI BURUZKO EZTABAIDA TALDEA

Lanerako 1. dokumentua

Aurkezpena: 2020ko uztailaren 14a

Dokumentu honek susperraldi berdearen esparruko eztabaida prozesuaren abiapuntua planteatzen du Etorkizuna Eraikiz Think Tank ekimenaren testuinguruan, eta bi helburu ditu:

- a) Parte hartzaileekin partekatzea lau proiektuen helburua eta ezaugarri nagusiak. Eztabaida taldeak proiektu horiei buruzko lehen entzute prozesu bat egin beharko du.
- b) Proiektu horietako bakoitzarekin konpondu nahi den arazoaren abiapuntuko interpretazioa partekatzea, eta arazo horren hasierako formulazioa eztabaidatzea.

Helburua da eztabaida taldeak, modu parte hartzailean, formulazio eta narratiba bat sortzea, eztabaidatuko dituen erronkei buruz. Hona hemen proiektu bakoitzaren aurkezpena:

Gipuzkoa 2050: % 100 lurralde zirkularra

Proiektu horren helburu nagusia da hondakinak lehengaitzat hartuko dituzten kudeaketa ereduetan aurrera egitea eta 2030. urterako Gipuzkoako birziklatze sektoreko lanpostuak eta fakturazioa bikoizten laguntzea.

Proiektuaren helburu estrategikoak hauek dira:

- Erosketa zirkularra eta berrikuntzakoa sustatzea, Gipuzkoan ezarritako helburuak lortzeko tresna estrategiko gisa.
- Tokiko enpresa berrikuntza sustatzea, Gipuzkoak jasangarritasunaren alorrean dituen erronkei erantzuteko.

Proiektu honi lotutako ekintzak hiru ardatz ditu:

- Erosketa berdeko eta zirkularreko talde sustatzaile bat aktibatzea, (eko)berrikuntzako erosketaren eta erosketa zirkularraren eremuan jardungo duena.
- Erosketa berde eta zirkularrerako baliabide sistema bat sortzea
- Kontsumitzaile txikiekin itunak egitea.
- GFA sustatzea proiektu esperimentalaren erdigune gisa, lizitazio guztietan ekonomia zirkularraren irizpideak aplikatzeko, eta neurri horiek urtebetean duten eragin ekonomikoa, enplegu sorrera eta ingurumen eragina aztertzea eta ebaluatzea.
- Beste administrazio publiko eta sozietate publiko batzuetan irizpide horiek ezarri eta bideratu daitezkeen aztertzea.

Gazteak klimaren alde

Proiektu honen xedea da lurraldeko gazteekiko elkarrekintza bideratzea, klimarekin zerikusia duten gaiak hobeto ulertzen lagunduz eta politikak formulatzen dituztenen artean sentsibiltatea sortuz klimaren inpaktuen aurrean kalteberenak izan daitezkeen sektoreen eta horien zergatien gainean.

Gehiago zehazte aldera, xede zehatz hauek jarri dira: (a) entzutea, hausnartzea, mugatzea eta ezartzea gazteen ekarpenak eta ikuspegiak; (b) estrategietan, politiketan eta planetan egindako aurrerapenak bideratzea, ezartzea eta ezagutaraztea; (c) klimaren aldeko ekintzetara bideratutako baliabide ekonomikoen eraginkortasuna esleitzea eta neurtzea; eta (d) klima aldaketaren aurkako benetako borrokarako irtenbideak garatzeko interesa duten alderdiak konprometitzea.

Gipuzkoarako fiskalitate berdea

Ingurumen zergak funtsezko elementua dira karbonoan neutroa den ekonomia sustatzeko eta ingurumen narriadura eta garapen ekonomikoa bereizteko beharrezkoa den trantsizio teknologikoa bultzatzeko.

Proiektu honen helburuak hauek dira: (a) ekonomia zirkularra sustatzeko aplikatzen diren tresna fiskalak berrikustea; (b) ekonomia zirkularraren esparruan aplikatzen ari diren neurri fiskalak identifikatzea; (c) hautatutako neurri fiskalak aztertzea dauden esperientziak kontuan hartuta; (d) Gipuzkoan aplikatzeko aukera aztertzea; (e) inpaktuaren azterketa.

Ekintza zehatzak honako hauei lotutako tresna fiskalen bidez gauzatu litezke: (a) ekonomia zirkularra sustatzea; (b) kontsumoa; eta (c) hondakinak.

Klimaren aldeko ekintzaren liga

Proiektu honen helburua da Gipuzkoako lurralde osoa, herritar, elkarte eta udal guztiak mugiaraztea, gure ohiturak aldatzeko eta gure udalerriek jasangarritasun helburuak lortzeko aurrera egin dezaten ahalbidetzeko.

Beraz, helburua da Gipuzkoako herritar guztiekin lan egitea klima aldaketaren aurka borrokatzeko ekintza eraginkor eta lokal batean, eta Gipuzkoa erresiliente bat eraikitzea. Horretarako, (a) herritarrek klima aldaketari buruz duten pertzepzioa aztertu nahi da; (b) Gipuzkoako klima gobernantzan sakondu nahi da zerikusia duten eragile guztiekin eta herritarrekin; (c) klima aldaketari buruzko hezkuntza eta komunikazio plan bat garatu nahi da; (d) eta erronka egin nahi zaie herritarrei: udalerriak elkarren artean lehiatuko dira, eta lorpen handienak dituzten hiru udalerriak aintzatetsiko dira.

Eztabaida prozesuaren lehen urratsa bi galdera hauetatik abiatuko da:

Zeintzuk dira Gipuzkoak susperraldi berdearen inguruan dituen arazo/erronka nagusiak?

Proiektu horiek erantzuten al diete antzemandako arazoei/erronkei?